

vnd den 13. vnd 14. May/ auß 7. stücken Geschütz auff dieselb wahl 1200. Schütz geschossen/ vn darauff gewaltig gestürmt. Bracht auch ein gewaltig heutschif mit einer hohen Mersen/ vor die Beste auff dem hohen Wasser. Die Mersen war voll guter Musketierer/ die denen darinnen alle gegenwehr solten verhindern: auch hatten sie brücken/ damit an den sturm zukommen: lieffen der Fort oder Beste zweymal an/ wurden aber allzeit abgeschlagen/ mit verlust zweyer Italiänischen Capitänen / Horatii Fontana von Modena/ vnd Johan Francisco Pagano auß Neapel/ vnd etlicher anderer namhaffter Niederländer: Man rechnet wol 6. oder 700. die vor dieser Schancken sind tödt geblieben/ auß vrsach/ daß das Fehr in gemeltes Schiff kam/ vnd alle die darin waren/ verbrante. Darumb der von Mansfeld mit vielen verwunden widerumb mußte abziehen/ hingegē hat Matthias Held/ grosse ehr. eingelegt.

Zwischen diesem hatten die vereinigete Lande auch ein klein Lager zu Feld gebracht vnder Graff Moriken/ vnd dem Grafen von Hohenlo/ mit welchem sie sich noch im Mayen in die Ober Bethaw begaben/ vnd gegen Newmegen vber nider schlügen / allda sie an dem Ufer der Wael/ ein grosse Schanck anfiengen auffzuwerffen/ die Stadt zu zwingen: welches de von Mansfeld von Nordam vnd auß Brabant thet auffbrechen/ vnd Graff Moriken ins Gesicht kommen/ vnd in zuverjagen. Als er aber sich nicht starck genug befand/ kehrete er widerurab zu ruck vnd lagerte sich auff die Maas im Land Lüttich. Derhalbē Graff Morik den gangen Sommer daselbst verharrete/ biß daß er sein angefangene Schanck außmachte / vnder den augen vnd Geschütz deren von der Stadt Newmegen/ die mit beystand dessen von Mansfeld gewaltig

241